



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Innocentio XI. Ad Innocentium XII.

Luxemburgi, MDCCXLI.

2. Sanctissimus in Christo &c. Regulæ Ordinationes, & Constitutiones
Cancellariæ Apostolicæ SS. D. N. Alexandri Papæ VIII. editæ 1689.

[urn:nbn:de:hbz:466:1-74849](https://nbn-resolving.org/urn:nbn:de:hbz:466:1-74849)

Sub poenâ
excommuni-
cationis
sententiæ.

S. Sedis
absolutio
ante resti-
tutionem
& revoca-
tionem ne-
mini suf-
fragetur.

Deroga-
tio contra-
riis.

Præsentis
& nunc &
posthac
quotannis
sollemniter
publican-
da.

Sedem, ac cuiusvis Concilii Decreta, verbo, Litteris, aut aliâ quâcunque scripturâ in genere, vel in specie concessorum, & innovatorum, aut concedendorum, & innovandorum. Quod si forte aliqui contra tenorem prædictum talibus excommunicatione, & anathemate laqueatis, vel eorum alicui absolutionis beneficium impendere, de facto præsumpserint, eos excommunicationis sententiâ innodamus, gravius contra eos spiritualiter, & temporaliter, prout expedire noverimus, processuri.

§. 22. Declarantes, ac protestantes, quamcunque absolutionem, etiam solemniter per Nos faciendam, prædictos excommunicatos, sub præsentibus comprehensos, nisi prius à præmissis cum vero proposito ulterius similia non committendi destiterint; ac quoad eos, qui contra Ecclesiasticam Libertatem, ut præfertur, Statuta fecerint, nisi prius Statuta, Ordinationes, Constitutiones, Pragmaticas, & Decreta huiusmodi publicè revocaverint, & ex Archivis, seu capitularibus locis, aut libris, in quibus annotata reperiuntur deleri, & cassari, ac Nos de revocatione huiusmodi certiorem fecerint, eos non comprehendere, nec eis aliter suffragari, quin etiam per huiusmodi absolutionem, aut quoscunque alios actus contrarios, tacitos, vel expressos, ac etiam per patientiam, & tolerantiam Nostram, vel Succellorum Nostrorum quantocunque tempore continuatam, in præmissis omnibus, & singulis, ac quibuscunque juris Sedis Apost. ac S.R.E. undecunque, & quandocunque quaesitis, vel querendis nullatenus præjudicari posse, aut debere.

§. 23. Non obstantibus privilegiis, Indulgentiis indultis, & Litteris Apostolicis generalibus, vel specialibus supradictis, illis vel eorum alicui, seu aliquibus aliis cuiuscunque ordinis, status, vel conditionis, dignitatis, & præminentiae, etiam si, ut præfertur Pontificali, Imperiali, Regali seu quâvis ecclesiasticâ, & mundanâ præfulgeant dignitate, vel eorum Regnis, Provinciis, Civitatibus, seu locis, à prædicta Sede, ex quavis causa, etiam per viam contractus, aut remunerationis, & sub quavis alia forma, & tenore, ac cum quibuscunque clausulis, etiam derogatarum derogatoriis concessis, etiam continentibus, quod excommunicari, anathematizari, vel interdicti non possint, per Litteras Apostolicas non facientes plenam, & expressam, ac de verbo ad verbum de privilegiis, Indulgentiis, & indultis huiusmodi, ac de ordinibus, locis, nominibus propriis, cognominibus, & dignitatibus eorum mentionem, nec non consuetudinibus, etiam immemorabilibus, ac præscriptionibus quantumcunque longissimis, & aliis quibuslibet observantiis, scriptis, vel non scriptis, per quæ contra hos Nostros processus, ac sententias, quo minus includantur in eis, se juvare valeant vel tueri. Quæ omnia quoad hoc, eorum omnium tenores, ac si de verbo ad verbum, nihil penitus omisso, infererentur, præsentibus pro expressis habentes, penitus tollimus, & omnino revocamus, cæterisque contrariis quibuscunque.

§. 24. Ut verò præsentis Nostri processus ad publicam omnium notitiam facilius deducantur, chartas, seu membranas Processus ipsos continentes, Basilicæ S. Jo. Lateran. & Basilicæ Principis Apostolorum de Urbe appendi faciemus, ut ii, quos processus huiusmodi concernunt, quod ad ipsos non pervenerint, aut quod ipsos ignoraverint, nullam possint excusationem prætere, aut ignorantiam allegare, cum non sit verisimile, id remanere incognitum, quod tam patenter omnibus publicatur. Insuper, ut processus ipsi, & præsentis Litteræ, ac omnia, & singula in eis contenta eo hant notiora, quò in plerisque Civitatibus, & locis fuerint publicata, universis, & singulis Patriarchis, Primatibus, Archiepiscopis, Episcopis, & locorum Ordinariis, & Prælatibus, ubilibet constitutis, per hæc scripta committimus, & in virtute sanctæ obediencie districtè præcipiendo mandamus, ut per se, vel alium, seu alios præsentis Litteras, postquam eas receperint, seu earum habuerint notitiam, semel in anno, aut si expedire viderint, etiam pluries in Ecclesiis suis, dum in eis major populi multitudo ad Di-

vina convenerit, solemniter publicent, & ad Christi fidelium mentes reducant, nuncient, & declarant.

§. 25. Cæterum Patriarchæ, Archiepiscopi, Episcopi, alique locorum Ordinarii, & Ecclesiarum Prælati, nec non Rectores, cæterique curam animarum exercentes, ac Presbyteri Seculares, & quorumvis Ordinum Regulares ad audiendas peccatorum confessiones, quâvis autoritate deputati, transumptum præsentium Litterarum penes se habeant, easque diligenter legere, & percipere studeant.

Volentes earundem præsentium transumptis, etiam impressis, Notarii publici manu subscriptis, & sigillo Iudicis Ordinarii Romanæ Curie, vel alterius personæ dignitate Ecclesiasticâ constitutæ munitis, eandem prout fidem in iudicio, & extrâ illud ubique locorum adhibendam fore, quæ ipsis præsentibus adhiberetur, esse exhibita, vel ostensa.

§. 27. Nulli ergo omnino hominum liceat hanc paginam Nostræ excommunicationis, anathematizationis, interdicti, innovationis, innodationis, declarationis, protestationis, sublationis, commissionis, mandati, & voluntatis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus, se noverit incursurum. Datum Romæ apud Sanctam Mariam Majorem, anno Incarnationis Dominicæ Millesimo sexcentesimo octuagesimo nono decimo Kal. Aprilis, Pontificatus Nostri anno primo.

Regulæ, Ordinationes, & Constitutiones Cancellariæ Apostolicæ SS. D. N. ALEXANDRI PAPÆ VIII. Editæ Anno 1689.

Sanctissimus in Christo Pater, & D. N. D. Alexander Divinâ Providentiâ Papa VIII. suorum Prædecessorum vestigiis inhaerendo, normam, & ordinem rebus gerendis dare volens, in crastinum suæ Assumptionis ad summum Apostolatus apicem, videlicet, die septimâ mensis Octobris anno ab Incarnatione Domini Millesimo Sexcentesimo octogesimo nono, Reservationes, Constitutiones, & Regulæ infra scriptas fecit, quas etiam ex tunc, licet nondum publicatas, & suo tempore duraturas observari voluit, ac quas Nos Alderanus Episcopus Hostiensis Cardinalis Cybo de mandato Sanctitatis Suæ die decimâ octavâ ejusdem mensis in Cancellariâ Apostolicâ publicari fecimus.

Reservationes Generales & Speciales.

I. In primis fecit easdem Reservationes, quæ in Constitutione fel. rec. Benedicti PP. XII. quæ incipit, Ad regimen, continentur, & illas innovavit, ac locum habere voluit, etiam si Officiales in eadem Constitutione expressi Apostolicæ Sedis Officiales ante obitum eorum esse desiderint, quoad Beneficia, quæ tempore quo Officiales erant, obtinebant. Declarans nihilominus Beneficia, quæ dictæ Sedis Officiales, qui ratione Officiorum suorum huiusmodi ejusdem Sedis Notarii erant, etiam dimissis ipsis Officiis, & quandocunque assecuti fuerint, sub huiusmodi Reservationibus comprehendere. Ac reservavit Beneficia, quæ per Constitutionem piæ mem. Joannis PP. XXII. Quæ incipit, Execrabilis, vacant, vel vacare contigerint. Quam Constitutionem, & Reservationem S. S. tam ad Beneficia obtenta, quam alia quæcunque, de quibus Ordinarii, & alii Collatores contra Concilii Tridentini Decreta disposuerunt, & disponent in futurum extendit, & ampliavit, & ea etiam Beneficia omnia dispositioni suæ reservavit, de quibus per dictos Ordinarios, aut alios Collatores contra ejusdem Concilii Decretorum formam dispositum fuerit, Decernens irritum, &c.

Personæ
Ecclesiasticæ præ-
sentium transum-
ptum penes se ha-
beant.

Transum-
ptorum fi-
des.

Sanctio
pœnalis.

D. 23.
Martii
1689. P. A.
primo.

II.

Reservatio Cathedralium Ecclesiarum, & Monasteriorum, ac de tempore vacationis Episcopatum, vacaturorum Beneficiorum.

II. Item reservavit generaliter omnes Ecclesias Patriarchales, Primatiales, Archiepiscopales, Episcopales, nec non omnia Monasteria Virorum, valorem annum ducentorum florenorum auri communi aestimatione excedentia, nunc quomodocunque vacantia, & imposterum vacatura. Et voluit, quod excessus huiusmodi in Litteris exprimeretur. Ac etiam reservavit Dignitates, & Beneficia omnia ad collationem, praesentationem, electionem, & quamcunque aliam dispositionem Patriarcharum, Primatum, Archiepiscoporum, & Episcoporum, nec non Abbatum, ac aliorum quorumcunque Collatorum, & Collatricium Secularium, & Regularium quomodolibet (non tamen ad Collationem cum alio, vel aliis, aut etiam ad alterius praesentationem, vel electionem pertinentia) quae post illorum obitum, aut Ecclesiarum, seu Monasteriorum, vel aliarum Dignitatum suarum dimissionem, seu amissionem, vel privationem, seu translationem, vel alias quomodocunque vacaverint, usque ad provisionem Successorum ad easdem Ecclesias, aut Monasteria, vel Dignitates Apostolicam auctoritate faciendam, & adeptam ab eisdem Successoribus pacificam illorum possessionem quomodolibet vacaverint, & vacabunt in futurum, Decernens irritum &c.

Extensio Reservationis Beneficiorum per affectuionem pacificam vacaturorum.

III. Item, si qui de Beneficiis Ecclesiasticis praesertim curam animarum habentibus, seu alias personalem residentiam requirentibus, dum pro tempore vacant, Apostolicam auctoritate provisi, seu providendi, ante illorum affectuionem, alia cum eisdem incompatibilia Beneficia Ecclesiastica, per eos tunc obtenta in fraudem reservationis suae, resignarent, seu dimitterent, voluit, decrevit, & declaravit, quod si imposterum quibuscunque personis de aliquibus Beneficiis Ecclesiasticis, tunc vacantibus, seu vacaturis, per Sanctitatem Suam, aut eius auctoritate providendos intra vacationis, & provisionis, seu affectuionis eorumdem Beneficiorum tempora quaecunque alia cum illis incompatibilia Beneficia Ecclesiastica Secularia, vel quorumvis Ordinum, ac etiam Hospitalium Regularia per eos tunc obtenta, nulla speciali, & expressa de eisdem in provisionibus praedictis facta mentione, simpliciter, vel causa permutationis, ac alias quomodolibet, sive in Sanctitatis suae, vel alterius Romani Pontificis pro tempore existentis, aut Legatorum, vel Nunciorum dictae Sedis, sive Ordinariorum, vel aliorum Collatorum quorumcunque manibus resignare, seu dimittere, aut iuribus sibi in illis, vel ad illa competentibus cedere contigerit, omnes, & singula concessionem, collationem, provisionem, & quavis aliae dispositiones de Beneficiis, seu iuribus sic resignandis, dimittendis, & cedendis pro tempore faciendae, cum inde sequutis quibuscunque, cassae, & irritae, nulliusque roboris, vel momenti existant, nec cuiquam suffragentur, sed beneficia, & jura, ut praefertur, resignata, dimissa, & cessa eo ipso vacent; ac sub Reservationem praedictam, quam Sanctitas Sua, etiam quoad hoc extendit, & ampliavit comprehensa censeatur. Ita quod de illis per alium, quam per eandem Sanctitatem Suam, vel pro tempore existentem Romanum Pontificem nullatenus disponi possit, in omnibus, & per omnia perinde, ac si per pacificam affectuionem Beneficiorum aliorum huiusmodi verè, ac realiter vacavissent. Ac ulterius voluit, Beneficium de quo resignans fuerit auctoritate Apostolicam provissus, ac per cuius affectuionem Beneficia vacare debeant, ut prius vacare, perinde, ac si collatio favore resignantis facta non fuisset, salvis tamen quibuscunque iuribus competentibus alteri parti, ad cuius favorem facta esset resignatio, etiam ex causa permutationis, summarie,

simpliciter, & appellatione remota exercendis. Decernens irritum &c. attentari.

Reservatio Dignitatum, nec non suorum, & S. R. E. Cardinalium familiarium, beneficiorum.

IV. Item reservavit generaliter dispositioni suae omnes Dignitates majores post Pontificales, in Cathedralibus etiam Metropolitanis, & Patriarchalibus, nec non valorem decem florenorum auri communi aestimatione excedentes principales in Collegiatis Ecclesiis. Reservavit etiam Prioratus, Praepositorum Praepositorum, ac alias Dignitates Conventuales, & Praepositorias generales Ordinum quorumcunque (sed non Militarium) ac quaecunque Beneficia, quae sui, etiam dum Cardinalatus fungebatur honore existentes, ac S. R. E. viventium nunc, & qui erunt pro tempore Cardinalium familiares continui commensales obtinent, & in posterum obtinebunt, eorum familiaritate durante, ac in quibus, seu ad quae jus eis competit, aut competierit, etiam si ab ipsa familiaritate per obitum Cardinalium eorumdem, vel alias recesserint. Declarans Dignitates, quae in Cathedralibus, etiam Metropolitanis, post Pontificales non majores existunt, & quae ex Apostolicae Sedis Indulgentia, vel ordinaria auctoritate aut consuetudine praescripta, vel alias quovis modo in quibuscunque Collegiatis Ecclesiis principalem praerminentiam habere noscuntur, sub Reservationem praedictam comprehendere debere. Decernens irritum &c.

Reservatio Beneficiorum Collectorum, & Subcollectorum.

V. Item reservavit generaliter omnia, & singula Beneficia Ecclesiastica quorumcunque Collectorum, & Unicorum in quacunque Civitate, vel Dioecesi, qui suo tempore Officia exercuerint, Subcollectorum fructuum, & proventuum Camerae Apostolicae debitorum, illa videlicet Beneficia dumtaxat, quae durante eorum Officio obtinebant, & in quibus, seu ad quae jus eis competeat. Decernens irritum, &c.

Reservatio Beneficiorum Curialium dum Curia transfertur.

VI. Item reservavit omnia & singula Beneficia Ecclesiastica quorumcunque Curialium, quos, dum Curia Romana de loco ad locum transfertur eam sequendo, decedere contigerit in quovis loco, quantumcunque etiam à dicta Curia remoto. Decernens irritum, &c.

Reservatio Beneficiorum Cubiculariorum, & Cursum.

VII. Item reservavit generaliter idem D. N. PP. dispositioni suae omnia Beneficia Cubiculariorum, etiam honoris nuncupatorum, ac Cursum suorum, declarans in Praecessorum suorum Romanorum Pontificum Constitutionibus, & Regulis reservatoriis Beneficiorum Cubiculariorum, etiam Cubicularios honoris nuncupatos, etiam à die earum editionis, & publicationis intelligi, & comprehendere, ac comprehensos fuisse, & esse. Irritum &c. attentari decernens.

Reservatio Beneficiorum Ecclesiarum S. Joannis Lateranen. & S. Petri, ac Beatae Mariae Majoris de Urbe, & Beneficiorum titularum Cardinalium à Curia absentium.

VIII. Item reservavit dispositioni suae generaliter quoscunque Canonicatus, & Praebendas, ac Dignitates, Personatus, & Officia in S. Jo. Lateranen. & Principis Apostolorum, ac Beatae Mariae Majoris de Urbe Ecclesiis, nec non ad collationem, provisionem, & praesentationem, seu quamvis aliam dispositionem S. R. E. Cardinalium à Romanà Curia absentium, ratione suorum Episcopatum, Cardinalatus, ac ipsorum Cardinalium titularum, & Diaconiarum spectantia, quamdiu absentia huiusmodi duraverit, Canonicatus

nicatus & Præbendas, Dignitates, Personatus, Administrationes, & Officia, cæteraque Beneficia Ecclesiastica cum curâ, & sine curâ vacantia, ac in antea vacatura, tam in eadem Urbe, quam in Ecclesiis, Civitatibus, ac Diocæsi-bus dictorum Episcopatum consistens, ac decrevit irritum &c.

Reservatio mensium Apostolicorum & Alternativa pro Episcopis residentibus.

IX. Item cupiens SS. D. N. PP. pauperibus Clericis, & aliis benemeritis personis providere, omnia Beneficia Ecclesiastica cum curâ, & sine curâ secularia, & quorumvis Ordinum regularia qualitercunque qualificata, & ubicunque existentia, in singulis Januarii, Februarii, Aprilis, Maji, Julii, Augusti, Octobris, Novembris mensibus, usque ad suæ voluntatis beneplacitum extra Romanam Curiam alias quam per resignationem quocunque modo vacatura, ad collationem, provisionem, præsentationem, electionem, & quamvis aliam dispositionem quorumcunque Collatorum, & Collatricum Secularium, & quorumvis Ordinum Regularium (non tamen S. R. E. Cardinalium, aut aliorum sub Concordatis inter Sedem Apostolicam, & quoscunque alios initis, & per eos, qui illa acceptare, & observare debuerant acceptatis, & observatis, quæ lædere non intendit, comprehensurum) quomodolibet pertinentia, dispositioni suæ generaliter reservavit. Volens in supplicationibus, seu concessionibus gratiarum, quæ de dictis Beneficiis tunc vacantibus, etiam motu proprio fieri, de mense, in quo vacaverint dispositive mentionem fieri; alioquin gratias nullas esse. Ac consuetudines etiam immemorabiles, optandi majores, & pinguiores Præbendas, nec non privilegia etiam in limine erectionis concessa, & indulta Apostolica circa ea, ac etiam disponendi de hujusmodi Beneficiis, aut quod illa sub hujusmodi reservationibus nunquam comprehendantur, etiam cum quibusvis derogatoriis derogatoris, & fortioribus, efficacioribus, & insolitis clausulis, nec non irritantibus, & aliis Decretis, quorum tenores pro expressis haberi, & latissime extendi voluit, quibusvis personis, & Collegiis, cujuscunque Dignitatis, status, gradus, Ordinis, & conditionis existentibus, quomodolibet concessa, adversus Reservationem hujusmodi minime suffragari; Insuper Sanctitas Sua ad gratificandum Patriarchis, Archiepiscopis, & Episcopis intenta ipsis quamdiu apud Ecclesias, aut Dioceses suas verè, & personaliter resederint, dumtaxat de omnibus, & quibuscunque Beneficiis Ecclesiasticis cum curâ secularibus, & regularibus (ad liberam ipsorum dumtaxat, non autem aliorum cum eis dispositionem, seu præsentationem, vel electionem, nec etiam cum consilio, vel consensu, seu interventu Capitulorum, vel aliorum, aut alias pertinentibus) quæ in antea in mensibus Februarii, Aprilis, Junii, Augusti, Octobris, & Decembris extra curam ipsam vacare contigerit (dummodò alias dispositioni Apostolicæ reservata, vel affecta non fuerint) liberè disponendi facultatem tempore sui Pontificatus tantum duraturam concessit. Ac etiam voluit, ut si ipsi in collatione, aut aliâ dispositione Beneficiorum in aliis sex mensibus, videlicet Januarii, Martii, Maji, Julii, Septembris, & Novembris vacaturorum (quæ etiam dispositioni suæ, ut præfertur, reservavit) seu etiam aliorum, dispositioni suæ & dictæ Sedis alias quomodolibet reservatorum, vel affectorum sese intromiserint, aut quo minus provisiones & gratiæ Sanctitatis Suæ de illis debitum effectum consequantur, impedimentum quoquomodo præstiterint, usu, & Beneficio prædictæ facultatis eo ipso privati existant, ac collationes, & aliæ dispositiones de Beneficiis illius prætextu deinceps faciendæ nullius sint roboris, vel momenti. Illi verò qui gratiam alternativæ prædictæ acceptare voluerint, acceptationem hujusmodi per patentes Litteras

manu propriâ subscriptas, suoque sigillo munitas & in suâ quisque Civitate, vel Diocesi datas declarare, & Litteras ipsas huc ad Datarium Sanctitatis Suæ transmittere teneantur, quibus ab eo receptis, & recognitis, ac in libro ad id deputato registratis, tunc demum, & non antea, uti incipiant gratiâ supradictâ. Insuper declaravit, quod si idem Episcopus pluribus Ecclesiis quomodocunque unitis ex Apostolicâ concessione, & dispensatione quomodocunque præsit, teneatur hujusmodi alternativæ gratiam, quatenus eâ potiri velit, utriusque Ecclesiæ nomine explicitè acceptare, alias illi non suffragetur. Et post factam acceptationem, & admissionem in Datario neutri parti liceat nisi concordati consensu ab eâ recedere. Declarans præterea exceptionem positam in Regulâ favore S. R. E. Cardinalium, & indultum conferendi Beneficia reservata concessum Cardinali Episcopo, non suffragari Capitulo ratione communionis, & consortii juxta declarationem fel. recor. Urbini PP. VIII. Prædecessoris sui editam die decimâ Septembris anno millesimo sexcentesimo vigesimo sexto, quam Sanctitas Sua in omnibus, & per omnia approbat. Decernens sic in præmissis omnibus per quoscunque &c. judicari debere ac irritum &c.

De Litteris in formâ, Rationi congruit expediendis.

X. Item voluit idem D. N. Papa quod, concessa per fel. rec. Innocentium Undecimum Prædecessorum suum, & de ejus mandato expendantur in formâ, Rationi congruit, &c. sub die Coronationis suæ, ut moris est, & idem quoad concessa per piæ memoriæ Clem. X. etiam Prædecessorem suum ad sex menses dumtaxat ab ipso die Coronationis incipiendo, observari voluit.

Declaratio reservationis Ecclesiarum, & Beneficiorum per Prædecessores reservatorum.

XI. Item declaravit omnium & singularum Ecclesiarum Cathedralium, & Monasteriorum provisiones, quas prædicti Prædecessores sui, ordinationi, & dispositioni eorum, nec non omnia, & singula Beneficia Ecclesiastica, quæ dicti Prædecessores etiam prædictæ dispositioni cum interpositione Decreti reservaverant (quæ quidem Ecclesiæ, Monasteria, nec non sic reservata Beneficia tempore obitus eorundem Prædecessorum vacabant, aut Ecclesiæ ipsæ, vel Monasteria hujusmodi, si commendata, vel eis Administratores deputati non fuissent, etiam tunc vacassent) remansisse, & remanere per hujusmodi Reservationem, & Decretum affecta, nullumque de illis præter Romanum Pontificem eâ vice se intromittere, vel disponere potuisse, sive posse, quoquo modo. Decernens irritum, & inane, si secus super illis attentatum forsan erat tunc, vel imposterum contingeret attentari.

Revalidatio Litterarum Prædecessoris gratiæ, & justitiæ infra annum concessarum.

XII. Item prædictus D. N. omnes, & singulas ab Innocentio XI. Romano Pontifice Prædecessore suo infra annum ante diem ejus obitus concessas gratiæ vel justitiæ Litteras temporibus debitis earum Executoribus, seu Judicibus non præsentatas omnino revalidavit, & in statum pristinum, in quo videlicet antea fuerant, vel pro quibus erant obtentæ, quoad hoc plenariè restituit, ac decrevit per Executores, seu Judices prædictos, vel ab eis subdelegandos ad expeditionem negotiorum in eis contentorum procedi posse, & debere juxta illarum formam.

Revocatio Unionum.

XIII. Item rationalibus suadentibus causis ipse D. N. omnes uniones, annexiones, incorporationes, suppressiones, extinctiones, applicationes, & dismembrationes, etiam perpetuas, de quibusvis Cathedralibus, nec non aliis Ecclesiis, Monasteriis, Dignitatibus, Personatibus, Officiis, & Beneficiis Ecclesiasticis, eorumve domibus, prædiis, & locis per cessum, vel decessum, aut aliam quamvis dimissionem, vel amissionem, qualiacum fuerint, invicem, vel aliis Ecclesiis, Monasteriis, & Mensis etiam Capitularibus, Dignitatibus, Personatibus, Officiis, Beneficiis, ac piis, & aliis locis, Universitatibus etiam studiorum generalium, & Collegiis, etiam in favorem S. R. E. Cardinalium, seu Ecclesiis, Monasteriis, & Beneficiis per eos obtentis quomodolibet Apostolica, vel aliâ quavis (non tamen Concilii Tridentini auctoritate, nec non pro fundatione, seu dotatione, augmento vel conservatione Collegiorum, & aliorum piorum, & religiosorum locorum ad Fidei Catholicæ defensionem, & propagationem, bonarumque artium cultum institutorum) factas, quæ suum non sunt sortitæ effectum: Ac quascumque concessionem, & mandata super unionibus, annexionibus, incorporationibus & aliis præmissis taliter faciendis, cassavit & irritavit, nulliusque decrevit existere firmitatis. Nec alicui quascumque clausulas, vel adjectiones, aut Decreta, quæ Sanctitas Sua pro expressis haberi voluit in quibusvis Apostolicis, etiam quæ motu proprio, aut ex certâ scientiâ, & consistorialiter processerunt, & emanarunt Litteris; etiam si in eis decretum esset, illas ex tunc effectum sortitas esse, aut jus quæsitum fore quomodolibet contentæ adversus revocationem, & iritationem huiusmodi voluit aliquatenus suffragari. Decernens irritum &c.

Revocatio facultatum quibusvis concessarum.

XIV. Item revocavit quascumque facultates concessas quibusvis Patriarchis, Archiepiscopis, Episcopis, & aliis Prælatibus, & Personis, nec non Apostolicæ Sedis Nunciis, ac fructuum, & proventuum Camera Apostolicæ debitorum Collectoribus; de dispensando cum quibusvis personis super matrimonio contracto, vel contrahendo in gradu prohibito, ac natalium, & ætatis defectibus, & de incompatilibus Beneficiis Ecclesiasticis insimul retinendis, nec non de Notariis publicis creandis, ac de disponendo quomodolibet de quibusvis Beneficiis Ecclesiasticis, & aliis a præmissis officia ipsorum Nunciorum, & Collectorum directè non concernentes, etiam si in Litteris desuper confectis sint clausulæ restitutoriæ, & derogatoriæ, & aliæ efficaciores, quas pro expressis haberi voluit quoad omnia, in quibus facultates ipsæ non sunt sortitæ effectum, etiam si Nunciis eisdem, dictæ Sedis Legatis de Latere competens sit concessa potestas. Decernens irritum &c.

Revocatio facultatum conferendi Beneficia reservata.

XV. Item revocavit quascumque facultates, & Litteras desuper confectas, per quas quicumque sui Prædecessores Romani Pontifices quibusvis personis ordinariam collationem, seu aliam dispositionem Beneficiorum Ecclesiasticorum de iure, vel consuetudine habentibus, & quavis etiam Patriarchali, Archiepiscopali, Episcopali, vel alia dignitate, vel alio, non tamen Cardinalatus honore fulgentibus, quavis consideratione, vel intuitu, etiam motu proprio, & ex certâ scientiâ, ac de Apostolicæ potestatis plenitudine cum quibusvis clausulis, etiam derogatoriis derogatoriis, ac irritantibus, & aliis Decretis, quorum tenores haberi voluit pro expressis, concesserant, ut quamdiu viverent, vel suis Ecclesiis, seu Monasteriis præessent, aut ad illud tempus de Beneficiis Ecclesiasticis generaliter reservatis, seu affectis ad eorum collationem, provisionem, præsentationem, electionem & quamvis aliam dispositionem communiter, vel divisim spe-

stantibus, disponere libere, & licitè valerent, aut etiam ad id per eosdem Prædecessores Vicarii perpetui, vel ad tempus constituti forent. Decernens irritum, & inane &c.

De dictionibus numeralibus.

XVI. Item ut in Apostolicis Litteris committendi crimen falsi per amplius tollatur occasio, voluit & ordinavit, quod dictiones numerales, quæ in dictis Litteris ante Nonas, Idus, & Kalendas, immediate poni consueverunt, per litteras, & syllabas extensè describantur, & illæ ex prædictis Litteris, in quibus huiusmodi dictiones aliter scriptæ fuerint, ad Bullariam nullatenus mittantur.

De concurrentibus in data.

XVII. Item voluit quod de concurrentibus in data ejusdem diei super vacantibus seu certo modo vacaturis Beneficiis, illi, quibus gratiæ, motu proprio conceduntur, cæteris simili modo gratias non habentibus, alias graduati non graduatis, aut inter graduatos prius graduati, nec non colorato titulo possessorum non possessoribus, ac inter personas alias in Curia præsentem, absentibus ab ea, ac inter præsentem non beneficiati beneficiatis, & similiter inter absentes, cæteris paribus, oriundis non oriundo, & Diocesanis non Diocesano, in reliquis verò singulis, qui prius Apostolicas desuper litteras eorum Executoribus præsentaverint, aliis in ipsorum, de quibus agi contingerit, Beneficiorum assentione præferantur.

De non tollendo jus quæsitum.

XVIII. Item ne per varias, quæ pro commissionibus, seu mandatis, & declarationibus habendis in causis plerumque sunt suggestiones, justitia postponatur, Idem D. N. decrevit, & declaravit, suæ intentionis fore, quod deinceps per quamcumque signaturam seu concessionem, aut gratiam, vel Litteras Apostolicas pro commissionibus, seu mandatis, aut declarationibus huiusmodi, etiam si motu proprio, & ex certâ scientiâ, ac etiam ante motam litteram à Sanctitate Suâ emanaverint, vel de ejus mandato faciendas nulli jus sibi quæsitum quomodolibet tollatur.

Regula de Viginti.

XIX. Item voluit, quod si quis in infirmitate constitutus resignaverit, sive in Romanâ Curia, sive extrâ illam, aliquod Beneficium, sive simpliciter, sive ex causa permutationis vel alias dimiserit, aut illius commendæ cesserit, seu ipsius Beneficii unionis dissolutioni consenserit, etiam vigore supplicationis, dum esset sanus, signatæ, & postea infra viginti dies à die per ipsum resignantem præstandi consensu computandos de ipsâ infirmitate decederit, & ipsum Beneficium, quavis auctoritate conferatur per resignationem sic factam, collatio huiusmodi sit nulla, ipsumque Beneficium nihilominus per obitum censeatur vacare.

De Idiomete.

XX. Item voluit quod si contingat tam in Curia quam extrâ alicui personæ de Parochiali Ecclesia, vel quovis alio Beneficio exercitium curæ animarum Parochianarum quomodolibet habente provideri, nisi ipsa persona intelligat, & intelligibiliter loqui sciat idioma loci, ubi Ecclesia, vel Beneficium huiusmodi consistit, provisio, seu mandatum, & gratia desuper quoad Parochialem Ecclesiam, vel Beneficium huiusmodi nullius sint roboris, vel momenti. Decernens, irritum &c.

De non impetrando Beneficium per obitum viventis.

XXI. Item si quis supplicaverit sibi de Beneficio quocumque tanquam per obitum alicujus, licet tunc viventis, vacante provideri, & postea per obitum ejus vacet, provisio & quævis dispositio etiam vigore alterius novæ supplicationis, vel gratiæ dicto supplicanti per obitum huiusmodi denuo faciendæ, nullius sint roboris, vel momenti.

De unionibus, & unionum confirmatione.

XXII. Item voluit quod petentes Beneficia Ecclesiastica aliis uniri, teneantur exprimere verum annum valorem secundum communem æstimatio-

nem,

nem, tam Beneficii uniendi quàm illius, cui uniri petitur; alioquin unio non valeat, & semper in unionibus commissio fiat ad partes, vocatis quorum interest: Et idem voluit observari in quibusvis suppressionibus, perpetuis concessionibus, dismembrationibus, & applicationibus, etiam de quibuscunque fructibus, & bonis Ecclesiasticis, ac etiam in confirmationibus unionum, singularumque dispositionum huiusmodi.

De Mendicantibus transferendis.

XXIII. Item de Mendicantibus transferendis, qui ad alios Ordines transferint pro tempore, voluit Constitutionem fel. record. Martini Papæ V. Prædecessoris sui desuper factam, & in Libro Cancellariæ Apostolicæ descriptam, quæ incipit: Viam ambitiosæ cupiditatis &c. firmiter observari.

De malè promotis.

XXIV. Item de Clericis extra tempora à jure statuta, sive ante ætatem legitimam, aut absque dimissionis Litteris ad sacros Ordines se promoveri facientibus pro tempore, etiam voluit Constitutionem piæ mem. Pii Secundi similiter Prædecessoris sui desuper editam, & in dictæ Cancellariæ Apostolicæ Libro descriptam, quæ incipit: Cum ex Sacrorum Ordinum &c. pari modo observari.

De monetâ.

XXV. Item declaravit idem Dominus Noster, quoddam Libra Turonensium parvorum, & florenus auti de Camerâ pro æquali valore in concernentibus Litteras, & Cæmeram Apostolicam computari, & æstimari debeant.

De Beneficiis vacaturis per promotionem ad Ecclesias, & Monasteria.

XXVI. Item prædictus D. N. Papa voluit, decrevit, & ordinavit, quod quæcunque concessionem, gratiæ, & mandata, etiam motu proprio, & cum derogatione hujus Constitutionis, quæ ab eo pro quibusvis personis emanaverint de providendo eis de quibusvis Beneficiis vacaturis per promotionem quarumcunque ad Ecclesiarum, & Monasteriorum regimina, si huiusmodi concessionem, & mandata diem promotionis promovendorum ipsorum præcesserint, nec non quæcunque collationes, provisiones, & dispositiones pro tempore faciendæ de præmissis, & quibusvis aliis Beneficiis Ecclesiasticis secularibus, & regularibus, quæ per promovendos, vel assumptiones ad quascunque Prælaturas inter illarum vacationis, & huiusmodi promotionis, vel assumptionis tempora simpliciter, vel ex causa permutationis ubicunque resignari, vel alias dimittere contigerit, cum inde sequutis pro tempore sint cassæ, & irritæ, nulliusque roboris, vel momenti.

De non iudicando juxta formam supplicationum, sed Litterarum expeditarum.

XXVII. Item cum ante confessionem Litterarum gratia Apostolica sit informis, voluit, statuit, & ordinavit idem Dominus Noster, quod Judices in Romanâ Curia, & extra eam pro tempore existentes, etiam si sint S. R. E. Cardinales, causarum Palatii Apostolici Auditores, vel quicumque alii, non juxta supplicationum signatarum super quibusvis impetrationibus (nisi in dictâ Curia dumtaxat sint commissiones iustitiam concernentes per Placet, vel per S. R. E. Vicecancellarium juxta facultatem super hoc sibi concessam signatæ) sed juxta Litterarum super eisdem impetrationibus, & concessionibus confectarum tenores, & formas judicare debeant. Deducens irritum &c. Et si Litteræ ipsæ per præoccupationem, vel alias minus bene expeditæ reperiuntur, ad illorum quorum interest instantiam, ad Apologiam Cancellariam remitti poterunt per ejus Officiales, quibus huiusmodi tenores, & formas restringere convenit, ad formas debitas reducendæ.

De Regulis Cancellariæ producendis.

XXVIII. Item attendens D. N. Papa quod super habendis de Cancellaria Apostolica Regulis, & Constitutionibus inibi descriptis faciliter per eos qui in Romana Curia indigerint, ad ipsam Cancellariam

recursus dirigi potest, nec consultum foret quod super earumdem Regularum, & Constitutionum (quæ juxta varietatem concurrentium causarum, & negotiorum aliquoties immutari convenit) probando tenore, vel effectu testium plerumque tenacem desuper memoriam non habentium depositionibus stari deberet, voluit, statuit, & ordinavit, quod deinceps quilibet ex Auditoribus causarum Palatii Apostolici, & aliis (etiam si S. R. E. sint Cardinales) in ipsa Curia pro tempore deputatis auctoritate Apostolica Judicibus, etiam in causis actu pendens super huiusmodi tenore, vel effectu probando dumtaxat stet, fidemque adhibeat cedulæ, seu scripturæ desuper à duobus majoris Præsentia, quod danda sit à tergo signatæ, & etiam à duobus aliis Litterarum Apostolicarum Abbreviatoribus in ipsa Cancellaria auctoritate, & Vicecancellarii seu dictam Cancellariam Regentis manu subscriptæ, ut moris est, quidquid autem secus fieri contigerit, nullius sit roboris vel momenti.

De subrogandis colligantibus.

XXIX. Item D. N. cupiens litium succidere anfractus, & ne novi colligantibus adversarii dentur, providere, voluit, statuit, & ordinavit, quod quoties deinceps aliquem super quovis Beneficio Ecclesiastico colligantem in jure, vel ad jus, si quod forsan ejus adversario in dicto Beneficio competierit, subrogari contigerit (dummodò prædictus colligans in dicto Beneficio intrusus non fuerit, nec super eo contra dictum adversarium postquam illud per triennium pacifice possederit, lis tunc mota fuerit) aliorum quorumlibet de præmissis jure, sive tunc vacet, vel cum vacaverit impetrationes: vel concessionem etiam motu proprio infra mensem ante concessionem huiusmodi factæ, nullius sint roboris, vel momenti. Et nihilominus cupiens eorum fraudibus obviare, qui viventium Beneficia illorum præsertim, quibus, aut propter senium, aut propter infirmitatem immineret vitæ periculum, impetrant, ut illis decedentibus tanquam colligantes in eorum juribus facilius subrogentur; Voluit, ut deinceps nullus in jure, vel ad jus in Beneficio defuncti, quod illo vivente in calibus præmissis, vel similibus impetraverit, aliquo modo subrogetur, ac subrogatio, vel gratia, si neutri, si nulli, seu novæ provisionis, aut perinde valere, taliter impetranti nullatenus suffragetur. Quod etiam, strictissime observari mandavit in impetrationibus Beneficiorum per privationem, amotionem ex quibusvis criminibus, & excessibus forsan perpetratis, etiam si usque ad definitivam sententiam, quæ tamen in rem non transiverit judicata, processum foret.

De verisimili notitiâ.

XXX. Item voluit, & ordinavit, quod omnes gratiæ, quas de quibusvis Beneficiis Ecclesiasticis cum curâ, vel sine curâ secularibus, vel regularibus per obitum quarumcumque personarum vacantibus, in antea fuerit, nullius roboris, vel momenti sint, nisi post obitum, & ante datam gratiarum huiusmodi tantum tempus effluxerit, quod interim vacationes ipsæ de locis, in quibus personæ prædictæ decesserint, ad notitiam ejusdem S. D. N. verisimiliter potuerint pervenisse.

Non valeant commissiones causarum, nisi Litteris expeditis.

XXXI. Item quod omnes, & singulæ commissiones causarum, quas in antea fieri contigerit, obtentæ, vel occasione concessionum dumtaxat Apostolicarum, de beneficiis Ecclesiasticis gratiarum, super quibus Litteræ Apostolicæ confectæ non fuerint, ac processus desuper habendi, nullius sint roboris vel momenti.

De impetrantibus Beneficia per obitum familiarium Cardinalium.

XXXII. Item voluit, quod impetrans Beneficium vacans per obitum familiaris alicujus Cardinalis, teneatur exprimere nomen, & titulum ipsius Cardinalis, si ille in Curia fuerit, ipsius ad id accedat assensus, aliàs desuper gratia sit nulla, &

idem

idem servari voluit, si Cardinales quomodolibet ab ipsa Curia absentes, & ubilibet etiam in locis infra duas dietas vicinis degentes, familiamque, & lares in eadem Curia retinentes, ab ipsa Curia recesserint, ad eandem illico reverfuri, & infra decem, vel ad summam quindecim dies verè, & personaliter reverfi fuerint. Ita quòd Cardinalibus aliàs quàm, ut præfertur, ex quacunque causa, quantumlibet necessaria, & hic necessario exprimenda absentibus, facultas præstandi consensum hujusmodi non competat, sed Beneficia hujusmodi ad liberam Sanctitatis Suae, & Sedis Apostolicæ provisionem, & dispositionem pertineant. Declarans Regulas, & Constitutiones suorum Prædecessorum, etiam à die earum editionis, & publicationis super assensu hujusmodi præstando sic intellectas, & intelligendas fuisse. Irritumque &c. attentari decernens. Quòdque si prædicti familiares eorumdem Cardinalium familiares esse desierint, seu ad aliorum Cardinalium familiaritatem similem transferint, quoad Beneficia, quæ familiaritate priori durante obtinuerint, & in quibus, vel ad quæ priori ipsa familiaritate durante jus eis competierit, Cardinales, quorum prius familiares fuerint, suum debeant adhibere consensum. Declarans præsentem Constitutionem locum non habere in aliis Beneficiis, quæ familiares ipsi, tempore obitus eorum in dicta Curia, vel extra eam obtinerent, aut antea obtinuissent, & ratione Officiorum per eos obtentorum dictæ dispositioni generaliter reservata, vel affecta fuisse apparent. Nec non illos quoad effectum dictæ Constitutionis familiares eorumdem Cardinalium censi, qui ipsorum Cardinalium familiares, continui commensales ad minus per quatuor menses, computato etiam tempore ante promotionem ad Cardinalatum, fuisse probarentur. Decernens irritum &c.

Super eadem familiaritate.

XXXIII. Item D. N. ad evitandas lites & contentiones, quæ ex præcedenti sua Constitutione exoriri possent, vestigiis Prædecessorum suorum inhærendo, voluit, statuit, & ordinavit, quòd si beneficia, quæ per obitum familiarium, continuorum commensalium eorumdem Cardinalium, in futurum vacabunt, cessantibus Apostolicis reservationibus ad alterius Cardinalis collationem, vel aliam dispositionem pertinere deberent, in dicta præcedenti Constitutione non comprehendantur, quoad hoc, ut in provisionibus talium Beneficiorum super expeditione Litterarum illius Cardinalis, cujus familiaris defunctus ille extitit, consensus requiri debeat; Sed Beneficia hujusmodi ad collationem, seu quamvis dispositionem Cardinalis ordinarii Collatoris, ut præfertur, liberè spectare censeantur. Et si apud Sedem Apostolicam Beneficia hujusmodi per obitum dictorum familiarium vacaverint, tunc in provisione talium Beneficiorum, super expeditione Litterarum, illius Cardinalis, exigatur consensus, si in Romanâ Curia præsens fuerit, ad quem eorumdem collatio, & dispositio, ut præfertur, pertinere deberet. Ita ut Cardinalis ordinarius Collator, in concursu cum Cardinali Patrono semper præferri debeat, salvis tamen semper indultis concessis, & concedendis eisdem S. R. E. Cardinalibus. Decernens irritum &c.

Signatura per Fiat præferatur alteri per concessum.

XXXIV. Item voluit idem D. N. quòd concurrentibus eadem die super quocunque Beneficio per Fiat, & concessum, signaturis, ex eis per Fiat etiam, ut petitur, habens, alteri per concessum etiam motu proprio habenti præferatur, etiam si in illa per concessum prægnantiores, & quantumlibet privilegiativæ essent clausulæ.

De annali Possessore.

XXXV. Item S. D. N. ut improbi lites exquirentium motus reprimantur, voluit, statuit, & ordinavit, quòd quicunque Beneficium Ecclesiasticum tunc per annum immediatè præcedentem pacificè possessum, & quod certo modo vacare præ-

tenditur, deinceps impetraverit, nomen, gradum, & nobilitatem possessoris ejusdem, & quot annis ipse illud possederit, ac specificam, & determinatam, ex qua clarè poterit constare, quòd nullum ipsi possessori in dicto Beneficio jus competat, causam in hujusmodi impetratione exprimere, & infra sex menses ipsum possessorem ad judicium evocari facere, causamque ex tunc desuper infra annum usque ad sententiam definitivam inclusivè prosequi debeat, & teneatur. Alioquin impetratio prædicta, & quacunque inde sequuta nullius exiit firmitatis. Et idem impetrans de damnis, & interesse possessorem prædictum propterea contingentibus ei satisfacere, & si possessorem ipsum injustè, frivole, & indebitè molestare repertus extiterit, quinquaginta florenos auri persolvere Camera Apostolicæ sit adstrictus, nec alius quàm præmissa vocationis modus etiam per Litteras si neutri, aut subrogationis, aut aliàs sibi quoad hoc, ut Beneficium hujusmodi eà vice consequi, aut obtinere valeat, quomodolibet suffragetur, illudque nullatenus in antea litigiosum propterea censeatur. Quod etiam extendi voluit ad impetrantes Beneficia Ecclesiastica cujusunque qualitatibus per privationem, & amotionem, vel aliàs propter commissam excessus, & crimina vacantia, vel vacatura, & similiter ad impetrantes Beneficia tamquam vacantia per devolutionem.

De Trienniali.

XXXVI. Item statuit, & ordinavit idem D. N. quòd si quis quacunque Beneficia Ecclesiastica quacunque sint absque simoniaci ingressu, ex quovis titulo, Apostolicâ, vel ordinariâ collatione, aut electione, & electionis hujusmodi confirmatione, seu præsentatione, & institutione illorum, ad quos Beneficiorum hujusmodi collatio, provisio, electio, & præsentatio, seu quævis alia dispositio pertinet, per triennium pacificè possederit (dummodo in Beneficiis hujusmodi, si dispositioni Apostolicæ reservata fuerint, se non intruserint) super eisdem Beneficiis taliter possessis molestari nequeat, nec non impetrationes quaslibet de Beneficiis ipsis sic possessis factas, irritas, & inanes censi debere decrevit, antiquas lites super illis motas penitus extinguendo.

De non appellando ante sententiam definitivam.

XXXVII. Item idem D. N. ut finis litibus celerius imponatur, & litigantium parcatur sumptibus & expensis, suorum Prædecessorum Constitutionibus, & Statutis inhærendo, statuit & ordinavit, quòd in causis pendentibus, & quas imposterum contigerit agitari, nulli ante definitivam sententiam liceat appellare, nec appellatio, si fuerit emissa, debeat admitti, nisi ab interlocutoriâ, quæ vim habeat definitivæ, vel à gravamine minimè concernente negotium principale, quod non possit per appellationem à definitivâ sententia reparari. Nullæque causæ appellationum committentur, nisi in commissione exprimat, quòd interlocutoriâ vim definitivæ habeat, vel gravamen sit tale, quod in appellatione à definitivâ non valeat reparari. Alioquin appellationes, & commissiones imposterum, & quicquid inde sequutum fuerint, nullius sint roboris, vel momenti, commissionibus appellationum jam Judicibus præsentatis, & exhibitis in suo robore permanfuris, in quibus latis super eisdem sententiis secundo, vel ulterius ab eis non liceat appellare. Appellantes verò, & appellationes etiam ab interlocutoriis & gravaminibus hujusmodi, suo, vel alterius nomine prosequentes, si succubuerint, ultra expensas, & damna, ad quæ rescinda de jure condemnatus compellitur, viginti florenorum auri poenâ mulctentur.

Non stetnr Commissioni post conclusionem.

XXXVIII. Item statuit, & ordinavit, quòd in Commissionibus de justitiâ, seu mandatis, etiam Consistorialibus, per eum, seu de ejus mandato, vel

auctoritate in causis, in quibus conclusum existat impostum concedendis, etiam si in eis de conclusione huiusmodi implicite, vel explicitè mentio facta fuerit, nihil censetur esse concessum nisi per concessionem huiusmodi Commissionis, eidem conclusioni, ac præsentì Regulæ derogetur expresse.

De Litteris Religiosorum expediendis.

XXXIX. Item voluit, & ordinavit, quòd si aliqui Religiosi petunt aliquod Beneficium ad nutum amabile cum clausula, quòd exinde pro solo nutu Abbatis, vel Superioris amoveri non possint, Litteræ quoad ipsam clausulam nullatenus expediantur, nisi idem D. N. ponat in signatura, quòd non possit amoveri, vel ad partem clausulam ipsam concedat.

De clausula ponenda in Litteris permutationis Beneficiorum.

XL. Item si committatur alicui Beneficii resignationis receptio ponatur clausula; *attentè quoque provideas.* Et si ex causa permutationis resignationes fiant, ponatur clausula, *quòd neuter permutantium jus acquirat*, nisi quilibet ipsorum jus habuerit in beneficio per ipsum resignato.

De supplendis defectibus.

XLI. Voluit, quòd si petatur suppleri defectus in genere, nullatenus Litteræ desuper concedantur, nisi in petitione desuper huiusmodi defectus exprimantur, vel per, *Fiat*, ut petitur, supplicatio signata fuerit.

De derogatione Jurispatronatus.

XLII. Item voluit, quòd super quovis beneficio Ecclesiastico de Jurispatronatus Laicorum non expediantur Litteræ, nisi ponatur expresse, quòd tale Beneficium tanto tempore vacavit, quòd ejus collatio ad Sedem Apostolicam legitime est devoluta, vel quia tempus Patronis Laicis ad præsentandum à Jure præfixum lapsum existat, aut ad id Patronorum ipsorum accedat assensus. Et si per ipsum Juri Patronatus huiusmodi derogari contigerit, Juris Patronatus huiusmodi mentio, dispositivè, ac specificè, & determinatè, non autem conditionaliter fiat, si illud ad aliquem Regem, Ducem, Marchionem, vel alium Principem pertineat. Et si de hoc in Litteris provisionis, vel mandato de providendo de dicto Beneficio, similis mentio facta non fuerit, non censetur quomodolibet derogatum.

De Commendis.

XLIII. Item voluit, quòd nulli Seculari de regulari, nec Religioso de seculari Commenda detur, nisi in signaturâ per clausulam ad partem super petitione Commendæ huiusmodi, de Commendâ ipsâ mentio fiat.

De Reformationibus.

XLIV. Item voluit, statuit, & ordinavit, quòd super quibuscunque Reformationibus signatis super impetrationibus quoruncunque Beneficiorum vacantium, vel certo modo vacaturorum, in quibus petitur, quòd Litteræ super primâ datâ expediri possint, si ex huiusmodi expeditione sub tali datâ cuiquam videatur posse fieri præjudicium, Litteræ huiusmodi sub ipsâ primâ datâ nullatenus expediantur nisi Reformationes huiusmodi per *Fiat*, sub primâ datâ signatæ fuerint.

De consensu in resignationibus, & pensionibus.

XLV. Item voluit, & ordinavit, quòd super resignatione cuiuscunque Beneficii Ecclesiastici, seu cessione juris in eâ, quam in manibus suis, vel in Cancellaria Apostolica fieri contigerit, Apostolicæ Litteræ nullatenus expediantur, nisi resignans, vel cedens, si præsens in Romanâ Curia fuerit personaliter, alioqui per Procuratorem suum ad hoc ab eo specialiter constitutum expeditioni huiusmodi in eadem Cancellaria expresse consenserit, & juraverit, ut moris est. Et si ipsum resignantem, seu cedentem pluries super uno, & eodem Beneficio in favorem diversarum personarum successivè consentire contigerit, voluit Sanctitas Sua, quòd primus consensus tenere debeat, & alii posteriores consensus, ac

Litteræ eorum prætextu, etiam sub priori data expeditæ, pro tempore nullius sint roboris, vel momenti, nec Litteræ reservationis, vel assignationis, etiam motu proprio cuiusvis pensionis annuæ, super aliquo Beneficii fructibus expediri possint, nisi de consensu illius qui pensionem perolvere tunc debeat.

De ingressu Religionis.

XLVI. Item non dentur Litteræ super Beneficiis vacaturis per ingressum Religionis, nisi professio præcesserit datam desuper petitionis.

Non valet impetratio facta per modum in Cancellariâ exprimendum.

XLVII. Item voluit, quòd si petatur aliquod Beneficium vacans per modum in Cancellaria Apostolica exprimendum, talis impetratio non valeat, nec Litteræ desuper expediantur.

De executione faciendâ.

XLVIII. Item voluit, statuit, & ordinavit, quòd quotiescunque per signaturam suam, vel de ejus mandato factam, super exequendis aliquibus, cum adjectione proprii nominis, vel dignitatis cuiusvis, Judex datur, Litteræ desuper expediantur, cum expressione, quòd idem Judex executionem faciat per se ipsum.

De dispensationibus in gradibus consanguinitatis.

XLIX. Voluit, quòd in Litteris dispensationum super aliquo gradu consanguinitatis, vel affinitatis, aut alias prohibito, ponatur clausula, si mulier rapta non fuerit; Et si scierit, ponatur clausula addita in quaterno,

Super defectu natalium.

L. Voluit, quòd in dispensationibus super defectu natalium, quòd possit succedere in bonis temporalibus, ponatur clausula, Quòd non præjudicetur illis, ad quos successio bonorum ab intestato pertinere debeat.

Super dispensationibus.

LI. Item quòd per quamcunque signaturam in quavis gratiâ, nullatenus dispensatio veniat, nisi specialiter exprimat, vel data gratia totaliter effectum huiusmodi dispensationis concernat, vel alias nihil conferat, aut operetur.

Nulli suffragetur dispensatio, nisi Litteris confectis.

LII. Item, cum concessionem sub gratiis dispensationum quoruncunque quibuscvis per ipsum D. N. concesserim vel concedendam per Regulas Cancellariæ Apostolicæ sint providè limitatæ, licet aliquando in petitionibus super huiusmodi concessionibus oblatis, multa sint petita, ne quis talium concessionum prætextu, id dispensativè tenere, aut facere præsumat, ad quod concessionem huiusmodi se non extendant, voluit idem D. N. quòd nulla talis dispensatio cuiquam in iudicio, vel extrâ suffragetur, antequàm super eâ Litteræ Apostolicæ sint confectæ.

De clausulis ponendis in Litteris Indulgentiarum.

LIII. Item voluit, quod in Litteris Indulgentiarum ponatur, quòd si Ecclesiæ, vel Cappellæ, aut alias aliqua Indulgentia fuerit concessa, de quâ inibi specialis mentio facta non sit, huiusmodi Litteræ sint nullæ.

De Indulgentiis concessis ad instar.

LIV. Item voluit, idem D. N. quòd Litteræ super Indulgentiis non expediantur ad instar, nisi specificentur.

De exprimendo valore Beneficiorum in impetrationibus.

LV. Item voluit quod in gratiis, quas quibuscvis personis, de Beneficiis vacantibus, seu certo modo vacaturis fieri contigerit, illorum, & aliorum quoruncunque Beneficiorum, quæ dictæ personæ tunc obtinuerint, seu de quibus eis fuerit provisum, vel concessum, aut mandatum provideri, verus annuus valor per marcas argenti, aut sterlingorum, vel libras Turonen. parvorum, seu florenos auri, aut ducatos, vel uncias auri, seu aliam monetam secundum communem estimationem exprimat, nisi personæ prædictæ Beneficia, quæ tunc obtinuerint, aut in quibus, vel

ad

ad quæ jus eis competit, juxta ipsarum oblationes, aut alias dimittere teneantur, alioquin gratiæ prædictæ sint nullæ. Et idem fervetur in gratiis, quas à Sanctitate Suâ motu proprio emanare contigerit; quoad Beneficia tamen, de quibus per Sanctitatem Suam pro tempore providetur seu provideri mandatur, aut alias disponitur, ac Litteris per quas pro tempore ad Ecclesiarum Patriarchalium, & Cathedralium, ac Monasteriorum regimina promotis conceditur, ut Monasteria, & alia Beneficia Ecclesiastica secularia & regularia per eos obtenta, & in quibus, & ad quæ jus eis competit, retinere possint.

De Clausulis in Beneficiis vacantibus ponendis.

LVI. Vult, & ordinavit quod quando providet, seu mandat provideri alicui de Beneficio Ecclesiastico vacante, tunc dari poterunt clausulæ si petantur, etiam si illud quovis modo &c. seu per Constitutionem Execrabilis vacet, & specialiter reservatum inter aliquos litigiosum sit, & ejus collatio devoluta fuerit, & si p. o. colligante vel subrogationem, aut si neutri, vel si nulli &c. petente, si tunc lis specificè exprimitur, nec detur aliqua generalis reservatio dispositivè, nisi desuper in concessione specialis, & expressa, ac purè, & non sub conditione mentio fiat, & tunc reliquæ reservationes ibi contentæ locum habeant. Si verò tempore expeditionis inde Litterarum generalis reservatio hujusmodi probari non possit, aut in novis provisionibus, seu pro colligantibus, si neutri, vel si nulli &c. Sit expressum sum, quod ab aliquibus asseritur, illum, cujus Beneficium conceditur, Collectorem, vel unicum Subcollectorem, Abbreviatorem, vel familiarem, Notarium, aut dictæ Sedis Officialem fuisse, clausula ponatur, etiam si dictum Beneficium ex eo, quod talis Collector, vel unicus Subcollector, Abbreviator, vel familiaris, Notarius, aut dictæ sedis Officialis fuit, dispositioni Apostolicæ generaliter reservatum existat, dummodo non sit in eo alicui specialiter jus quæsitum. In reliquis verò nulla clausula detur, unde reservatio generalis elici possit, nisi desuper signatura per duplex Fiat signata sit, aut reservatio, vel alias specialiter habeatur.

De expressione qualitatum Beneficiorum in impetrationibus.

LVII. Vult quod super Beneficiis Ecclesiasticis de qualitibus illorum, videlicet, an Dignitates, Personatus, vel Officia sint, eisque imminet cura animarum, & ad illa consueverint qui per electionem assumi, mentio fiat, alias gratiæ desuper factæ sint nullæ. Et si qualitates hujusmodi affirmativè, vel conditionaliter non exprimentur, negativa expressè desuper fiat in Beneficiis quæ tales qualitates, vel ex eis aliquas consueverint habere.

De Beneficiis vacantibus per contractum matrimonii.

LVIII. Item si reservetur Beneficium per contractum matrimonii, non dentur alii modi vacationum de futuro, nec censeatur beneficium reservatum specialiter, vel affectum, nisi sequatur matrimonium, sed in Beneficiis per promotionem, aut ingressum Religionis, vel assecutionem vacaturis, ponatur clausula, etiam si non petatur. Cum Beneficia hujusmodi præmissa, vel alias quovis modo &c. præterquam per obitum obtinentis vacare contigerit, etiam si vacent. Decernens irritum &c.

De clausulis ponendis in Litteris Religiosorum.

LIX. Item vult, quod si petatur aliquem in Religionem recipi, & sibi de quovis Beneficio Ecclesiastico provideri, per simplicem signaturam Fiat, receptio hujusmodi dumtaxat detur, adjecto, si petens idoneus sit, aut aliud Canonicum non obstat, & exprimitur, si certus numerus Regularium sit ibidem, cui etiam non derogetur,

nisi expressè concedatur, & si numerus iste non existat, ponatur, dummodo receptionis locus hujusmodi nimium propterea non gravetur; possintque Executores provisionis hujusmodi, ad receptionem emissionis professionis non expectato probationis anno procedere.

De translatione Religiosorum.

LX. Item, si Regularis petat sibi de beneficio ab aliquo Monasterio vel alio regulari loco dependente, provideri, & appareat ex petitione hujusmodi, quod alterius Monasterii, vel loci Religiosus sit, licet ibi translatio non petatur, nihilominus illa veniat.

De clausula, si est ita.

LXI. Item, quod in Litteris super beneficiis per Constitutionem Execrabilis, vacantibus ponatur clausula, si est ita, similiter, de quibuscunque narratis informationem facti requirentibus.

Petenti provideri de vacaturo, dentur Litteræ de vacanti.

LXIII. Item petenti sibi provideri de vacaturo, dentur Litteræ de vacanti, prout expedierit impetranti.

Revocatio decimarum, & aliarum impositionum.

LXIII. Item revocavit quascunque decimarum, nec non subsidiorum vigesimæ & aliorum onerum impositiones, ex quavis causa emanatas (non tamen decimarum per fel. recor. Innocentium XI. Prædecessorem nostrum impositarum quarto Kal. Octobris Pontificatus ipsius anno septimo, & per eundem extensarum seu indictarum ad illud triennium per Litteras in formâ Brevis sub die vigesima quintâ Novembris anno millesimo sexcentesimo octuagesimo octavo, Pontificatus ipsius anno tertio decimo, nec non aliarum decimarum, subsidiorum, & onerum impositorum in subsidium expeditionis contra Turcas, & Orthodoxæ Fidei hostes) & quascunque facultates super decimarum, vigesimæ, & onerum hujusmodi exactione, quibuscunque fructuum, & proventuum Cameræ Apostolicæ debitorum Collectoribus, & Apostolicæ Sedis Nunciis ab eisdem Prædecessoribus concessas. Suspendit quoque ad Suæ Sanctitatis, & Sedis Apostolicæ beneplacitum quascunque plenarias Indulgentias ab eisdem Prædecessoribus ex quavis causa etiam expeditionis hujusmodi, si quæ per Nuncios, vel Quæstores deferrebantur, non tamen ab eodem Innocentio Prædecessore, per Litteras in formâ Brevis, sub die tertiâ Decembris anno millesimo sexcentesimo octuagesimo quinto Pontificatus ipsius anno decimo concessas, nec non deputandi, & eligendi Confessores, qui plenariè absolvant, & alia faciant ad eandem Indulgentiarum suspensionum effectum, reliquasque facultates, ipsas Indulgentias quomodolibet concernentes, præterquam quoad ea, in quibus Indulgentiæ, & facultates in aliquâ sui parte sint sortitæ effectum. Ita ut illi, qui implentes injuncta eis in Litteris Indulgentiarum hujusmodi, jam consequuti sunt facultatem eligendi Confessores, qui absolvant eos plenariè in mortis articulo, per hujusmodi suspensionem non præjudicetur, quin facultate ipsa uti possint in futurum: Decrevit quoque irritum, & inane quicquid, facultatum revocationum earundem prætextu, imposterum contigerit attentari.

Revocatio facultatum percipiendi pretium Officiorum.

LXIV. Item revocavit, cassavit, & annullavit, ac irritas declaravit quascunque facultates percipiendi pretium Officiorum Romanæ Curie pro tempore vacantium in toto, vel in parte, & quavis concessionem, & collationem, aliasque dispositiones per fel. rec. Innocentium XI. aliosque Prædecessores de dictis Officiis, etiam ex die collationum, concessionum, & dispositionum earundem in antea vacatris in favorem quarumcunque Personarum, Ecclesiarum, Monasteriorum,

piorum

piorum locorum, Collegiorum, seu eorum menſarum, etiam perpetuò, etiam in vim contractus ex titulo oneroſo, & ſub quavis aliâ verborum formâ, quàm, & præmiſſorum tenores pro expreſſis haberi voluit, conceſſas, & factas, quoad officia, quæ poſt obitum dictorum Prædeceſſorum vacarunt, & impoſterum quomodolibet vacabunt. Item revocavit quoque, caſſavit, & annullavit, ac irritas declaravit quacunq; infeudationes, inveſtituras, gratias, conceſſiones, quomodocumq; etiam in Emphyteuſim, ad tempus, ſeu in perpetuum, etiam motu proprio, & de plenitudine poteſtatis, ac cum quibuſvis derogatoriis derogatoriis (extrâ tamen Conſiſtorium, & ſine S. R. E. Cardinalium conſilio, & conſenſu) à die Conſtitutionis ſel. record. Pii PP. V. Prædeceſſoris ſui ſuper prohibitione alienandi & infeudandi Civitates, & loca S. R. E. ſub datum Romæ apud S. Petrum anno Incarnationis Dominicæ milleſimo quingentefimo ſexageſimo ſexto, quarto Kalend. Aprilis Pontificatus ſui anno ſecundo, uſque in præſentem diem, per quoscumq; Romanos Pontifices ſuos Prædeceſſores, aut mandato, vel auctoritate eorum, quomodocumq; ac qualitercumq; & quovis colore factas, & conceſſas de Civitatibus, Terris, Oppidis, Caſtris, Arcibus, & locis, S. R. E. & Sanctæ Sedi Apoſtolicæ, tam mediâtè quàm immediâtè ſubjectis, tunc videlicet de tempore dictarum infeudationum, inveſtiturarum, gratiarum, & conceſſionum nondum devolutis, nec non quacunq; prorogationes, & extenſiones quarumcunq; infeudationum, inveſtiturarum, gratiarum, & conceſſionum de dictis Civitatibus, Terris, Oppidis, Caſtris, Arcibus, & locis, tunc videlicet de tempore dictarum prorogationum, & extenſionum nondum finitarum quibuſvis perſonis, cujuſcunq; gradus, ſtatus, & conditionis, & præminentie, etiamſi Imperiali, Regali, Ducali, aut aliâ quavis præfulgeant Dignitate, etiam in vim contractus, & ex quocumq; titulo, etiam oneroſo, & per quacunq; tam ſub plumbo, quàm in formâ Brevis ſub Annulo Piſcatoris, aut etiam aliâs quomodocumq; & qualitercumq; expeditas Litteras, ac ſub quavis verborum formâ, quàm, & præmiſſorum omnium tenores Sanctitas Sua pro expreſſis haberi voluit, latiſſimè extendendos.

Quod fructus in tertiâ parte augeri poſſint vigore clauſulæ.

LXV. Item, cum nonnulli impetrationibus Beneficiorum Eccleſiaſticorum pro tempore vacantium, & certo modo vacaturorum aſſerendo illorum fructus &c. certum per eos expreſſum annuum valorem non excedere, nonnunquam obtineant, à Sanctitate Suâ, ut huiusmodi valorem annuum augere poſſint, ut veriùs poſſit in confeſſione Litterarum, ſuper huiusmodi impetrationibus ſumma, aut valor annuus exprimi, aliter deſuper non ſpecificato, ne de veritate huiusmodi conceſſionis impoſterum hæſitari contingat, declaravit prætextu conceſſionis huiusmodi valorem ipſum uſque ad tertiam partem valoris expreſſi, & in primâ, quæ deſuper hæc, Litterarum expeditione dumtaxat augeri poſſe, & eas quas Litteris jam expeditis cum expreſſione valoris ſpecificati aut non integro augmento prædicto, denuò deſuper expediti contigerit Litteras, cum aliquo augmento valoris huiusmodi nullius eſſe roboris, vel momenti, etiamſi motu proprio beneficiales gratiæ, & diſpoſitiones quæcunq; à Sanctitate Suâ emanaverint.

De inſordeſcentibus.

LXVI. Item, ne perſonis, pro quibus Litteræ Suae Sanctitatis emanabunt ob generalem abſolutionem à cenſuris Eccleſiaſticis, quibus ligati forent, ad eorum effectum indifferenter concedi, & in Litteris Apoſtolicis apponi ſolita, præſtetur occaſio cenſuras ipſas vilipendendi, & inſordeſcendi in illis, ſtatuit, & ordinavit, huiusmodi abſolutionem, & clauſulam in Litteris, quas in futurum cum illâ concedi contingeret, non ſuffragari non parentibus rei iudicatæ, incendiariis, violatoribus Eccleſiarum, falſificatoribus & falſificari procurantibus Litteras, & ſupplicationes Apoſtolicas, & illis utentibus, receptatoribus, & fautoribus eorum, ac res veritas ad infideles deferentibus; violatoribus Eccleſiaſticæ libertatis, viâ facti auſu temerario Apoſtolicis mandatis non obtemperantibus, & Nuncios, vel Executores Apoſtolicæ Sedis, & ejus Officialium, ejus commiſſa exequentes, impediuntibus, qui propter præmiſſa, vel aliquod eorum excommunicati à jure, vel ab homine per quatuor meſes ſcienter excommunicationis ſententiam huiusmodi ſubſtinerint. Et generaliter quibuſcunq; aliis, qui cenſuris aliquibus etiam aliâs, quàm, ut præfertur, quomodolibet ligati in illis per annum continuum inſoruerint.

Officiales nihil exigant ultrâ debitum.

LXVII. Item idem D. N. exactionibus, quas Sanctitas Sua non ſine diſplicitiâ plerumque fieri intellexit per Officiales Romanæ Curie, qui conſtitutis ſibi emolumentis pro exercitio Officiorum, quæ obtinent, non contenti, ultrâ à proſequentibus negotiorum quorundam expeditionem in eadem Curia exigere non verentur, obviare volens, diſtrictè præcipiendo inſubruit omnibus, & ſingulis quævis officia in eadem Curia obtinentibus, ne de cætero quicquam prætextu Officiorum, quæ obtinent, quovis colore, etiam celerioris expeditionis, ultrâ emolumenta huiusmodi eorum, quæ eis incumbunt, malicioſè differe ſub excommunicationis, & præter illam ſuſpenſionis à perceptione emolumentorum huiusmodi pro primâ ad ſemeltre, & pro ſecundâ ad annum, & pro tertiâ vicibus, quibus ſit excederent, privationis Officiorum per eos obtentorum, in quibus ſic exceſſerint, pœnis. Ac voluit quod S. R. E. Vicecancellarius, & Camerarius excedentes ipſos reſpectivè, prout eis ſubſunt, per ſubſtractionem emolumentorum eorundem, ac aliâs, ut præfertur compellant huiusmodi exactionibus abſtinere, ac contra eos per prædictas pœnas, & aliâs, prout melius expedire videant, procedant.

Reſervatio Beneficiorum vacantium Sede Apoſtolicâ vacante.

LXVIII. Item Sanctiſſimus D. N. providè conſiderans conſueviſſe quandoque Romanos Pontifices Prædeceſſores ſuos Beneficia, quæ vacante Sede Apoſtolicâ vacare contingerant, diſpoſitioni ſuæ reſervare, intendens de Beneficiis huiusmodi, tam Conclaviſtis quàm pauperibus Clericis, & aliis benemeritis perſonis providere, omnia, & ſingula Beneficia per Regulas Cancellariæ Apoſtolicæ, aut quælibet alias Apoſtolicas Conſtitutiones temporales Romani Pontificis pro tempore exiſtentis diſpoſitioni quomodolibet, & ex quavis cauſâ ſervari ſolita, quæ die obitus ſel. rec. Innocentii XI. Prædeceſſoris ſui uſque ad diem ſupradicti.

etiam 6. Octobris vacaverint, & de quibus per quoscunque Ordinarios Collatores tunc dispositum non fuerat, seu minus validè dispositum fuerat, suæ provisioni, ac dispositioni reservavit. Decernens irritum &c.

Revocatio indultorum supervenientia.

LXIX. Item, quia ad importunam nonnullorum suggestionem quandoque contigit Prædecessores Suos Romanos Pontifices pro tempore existentes sub contractorum debitorum, vel diversis aliis prætextibus concessisse, & indulgisse beneficiis, ut fructus suorum Beneficiorum aut partem eorum anticipatis solutionibus ad tempus elocare, vel erga creditores, aut quoscunque alias personas obligare, vel hypothecare, in solutum dare, aut alias quomodolibet de eis disponere liceret ad tempus minimè restrictum, ad vitam supplicantium cum gravi Successorum præjudicio, & Ecclesiarum detrimento. Ideo indemnitati Ecclesiarum, & Successorum in Beneficiis hujusmodi salubriter consulere volens, revocavit, cassavit, & annullavit omnia, & singula indulta, & facultates in eâ parte, quâ nec dum verè, & realiter suum sortita sunt effectum, per quoscunque Romanos Pontifices Prædecessores suos hætenus ad favorem quarumcunque personarum concessas, quibus eis vel eorum singulis ullo modo, & ex quavis causa, vel prætextu permittitur fructus certos, vel incertos, jura, obventiones, & emolumenta quæcunque quorumlibet Beneficiorum per eos obtentorum anticipatis solutionibus, ultra unicum annum elocare, arrendare, ad firmam, vel responsionem concedere, vel eos ad favorem quarumcunque personarum quomodolibet obligare, vel hypothecare, in solutum dare, aut de eis quomodolibet, & ex quavis causa disponere pro tempore ad vitam beneficiorum, & tempus quo Beneficia hujusmodi obtinuerunt, minimè restricto & coarctato, illorum tenores &c. Decernens irritum &c.

Quod Cardinales non comprehendantur sub Regulis faciendis.

LXX. Item, cum S. R. E. Cardinales S. D. N. assistant, ac propterea debeant specialibus prærogativis & privilegiis gaudere, idem D. N. statuit, ordinavit, decrevit, & declaravit, quòd in quibuscunque Constitutionibus & Regulis per Sanctitatem Suam edendis non comprehendantur, neque comprehensi censeantur ipsi Cardinales, nisi illæ eorundem Cardinalium favorem concernant, vel Constitutiones edendæ de eorundem Cardinalium, vel majoris partis eorum consilio editæ fuerint, seu in eisdem Regulis, & Constitutionibus facta fuerit ipsorum Cardinalium expressa mentio.

Quod Regula Cancellaria non comprehendantur sub generalibus derogationibus.

LXXI. Item Sanctitas Sua statuit, & declaravit, quòd præmissis, & quibuscunque aliis Regulis Cancellariæ suo tempore edendis, ac publicandis, nunquam censeatur derogatum in quibuscunque Constitutionibus, Litteris, Brevibus, Indultis, & aliis Ordinationibus Apostolicis, etiam motu proprio, & ex certa scientia emanatis per quæcunque verba, & Decreta derogatoria, irritantia, universalis, & amplissima, & clausulas quantumvis efficacis-

simas, etiam derogatoriarum derogatorias, atque specialis, & individuae expressionis vim habentes & habentia, nisi facta fuerit de illis expressa mentio, & non aliter, nec alio modo.

De potestate Reverendissimi D. Vicecancellarii, & Cancellariam Regentis.

LXXII. Primò, quòd possit committere absolutionem illorum, qui ignoranter in supplicationibus, vel in Litteris Apostolicis aliquid scriberent, corrigerent, vel delerent.

Item quòd possit corrigere nomina, & cognomina personarum, non tamen eorum, quibus gratiæ, & concessionis sunt, ac Beneficiorum, dum tamen de corpore constet.

Item, quòd possit omnes causas beneficiales, etiam non devolutas committere in Curia, cum potestate citandi ad partes.

Item, quòd processus Apostolica auctoritate decretos aggravare possit cum innovatione brachii secularis, & sententias executioni demandari facere contra intrusos, & intrudendos per Litteras Apostolicas desuper conficiendas, & non alias.

Item, quòd possit signare supplicationes manibus duorum Referendariorum signatas de Beneficiis Ecclesiasticis secularibus, & regularibus, dispositioni Apostolicæ generaliter non reservatis, quorum cujuslibet valor centum Florenorum auri de Camera, vel totidem Librarum Turonen. parvorum, seu totidem in illa moneta secundum communem æstimationem, valorem annum non excedet.

Item quòd possit signare supplicationes, etiam duorum Referendariorum manibus signatas de novis provisionibus, si neutri, & subrogationibus pro colligantibus, in quibus non detur clausula generalem reservationem importans.

Item quòd possit ad Ordines suscipiendos ætatis prorogare terminos de dictis suscipiendis Ordinibus, usque ad proxima tunc à jure statuta tempora, in quibus ætati successivè ad ipsos Ordines promoveantur.

Placet, publicentur, & describantur. P.